



bibliotheken graubünden  
bibliotecas grischun  
biblioteche grigioni

## Biblioteca Casa de Mont Laax

### Rapport annual 2017

La primavera 1997 ei nossa biblioteca veginda aviarta e nus vein pia saviu festivar il 2017 il giubileum da 20 onns. Quei vein nus buca fatg cun grondas occurenzas mobein cun in casparet pils affons ed ina presentaziun publica da REMAS, il project musical-litterar da Mario Pacchioli. Sco regal d'anniversari survegnan nossas lecturas e nos lecturs ina tastga da cudischs fatga aposte per nossa biblioteca.

25 da schaner: Marionna Tschuor-Coray representa la biblioteca da Laax alla sentupada dallas responsablas da biblioteca dalla Surselva che ha giu liug ella biblioteca da Glion.

10 da fevrer: Biblioteca pintga: Flurina Cantieni-Gliott rauenta la historia "Maria Muntaniala".

15 da fevrer: Elisabeth Coray-Steiner e Claudia Andreoli Jäger ein stadas alla radunanza annuala da leger.GR ad Aschera/Schiers. Bruno Hächler presenta sias canzuns e ses cudischs e rauenta da sias visetas en scolas e biblioteca dil Grischun.

5 d'avrel: La menadra ei stada presenta alla conferenza annuala dallas responsablas da biblioteca dil Grischun a Cuera.

7 d'avrel: Biblioteca pintga: Angela Weishaupt rauenta ina historia dalla lieur da Pastgas.

3 da matg: A Cuera fagein nus nossa cumpra da medias da primavera.

1. da zercladur – 31 d'october: Ils bauns da lectura – a Laax sper il Lag Grond ed a Schluein el quartier Buortga – vegnan apprezzai fetg e nus vein adina puspei era buns resuns dallas persunas che fan diever da quella offerta.

15 da settember: Noss'occurrence per l'jamna dallas bibliotecas GR: La biblioteca pintga viseta il museum local da Laax nua che Angela Weishaupt rauenta ina praula e silsuenter han ils affons visitau l'exposiziun dallas figurazions da fletter da lazinta Truog.

14 da november: Pigl anniversari da 20 onns biblioteca Casa de Mont havein nus envidau las scolettas e l'emprema classa da Laax/Falera ad in teater da casparet. Manuela Venzin e Helena Lozza han presentau "Il casparet ed il spért".

15 da december: Biblioteca pintga: Nadia Cathomas rauenta als gronds "Il bi regal" e Flurina Cantieni-Gliott rauenta als pli pigns "Il pign erizun" e "La scarsola da Nadal".

22 da december: Mario Pacchioli ha presentau il DC ed il cudisch REMAS cun cant e film, Mariano Tschuor cun "Notizias sur da Gion Cadieli e Flurin Camathias, plevons, amitgs e poets" ed Anita Capaul ha dau investa ella lavour dalla Chasa Editura Rumantscha.

Siluenter havein nus purschiu in aperitiv ed essan stai da cumpignia per far in viva sils 20 onns biblioteca Casa de Mont.

### Statistica

Il 2017 ha la biblioteca vendiu 172 (445 lecturas e lecturs) abonnamenti (115 Laax, 57 outras vischnauncas) ed ha empristau total 9'152 medias (cudischs, DC e DVD).

### Engraziamenti

- alla Fundazion Pro Laax ed alla vischernaunca politica Laax per il sostegn finanzial e per la buna collaboraziun
- alla cumissiun da biblioteca per il sostegn e la confidonna
- a Catia-Cristina Tschuor per la creaziun dalla tastga da biblioteca
- ed a mias fideivlas collegas Elisabeth Coray-Steiner e Barbara Rupp (dapi 1997), Petra Tuor-Cahenzli e Prisca Coray-Elvedi (2011) e Claudia Andreoli Jäger (2014) per lur engaschi.

